



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

**Bellarmino, Roberto Francesco Romolo <Heiliger>**

**Ingolstadii, 1599**

**VD16 B 1607**

XV. De libris Machabæorum.

[urn:nbn:de:hbz:466:1-53828](https://nbn-resolving.de/urn:nbn:de:hbz:466:1-53828)

## CAP VT XV.

## De libris Machabæorum.

**I**BRI Machabæorum præter communia testimonia, testimonium habent, & honorificè producuntur, à S. Cypriano in lib. de exhort. martyrij, cap. II. à S. Gregorio Nazianzeno in orat. de Machabæis, à S. Ambroſio lib. 2. de Iacob, cap. 10. 11. 12. & ab aliis passim. Eosdem libros Scripturam diuinam disertis verbis appellant, S. Cyprianus lib. 1. epist. 3. ad Cornelium; & Hidorus lib. 6. etymol. cap. 1. Sanctus autem Augustinus (cui multum auctoritatis sæpe Caluinus tribuit) lib. 18. de ciuit. Dei, cap. 36. Libros, inquit, Machabæorum non Iudæ, sed Ecclesia canonicos habet. Et lib. 2. contra epistolæ Gaudentij, cap. 23. eorumdem librorum auctoritatem studiosè defendit, Scripturam sanctam eos appellans. Sed aduersariorum argumenta videamus.

PRIMVM obiicit Caluinus lib. 3. Institut. cap. 5. §. 8. quod auctor horum librorum laudat, præposterum zelum, & superstitiosum factum Iudæ Machabæi, qui pro mortuis sacrificium offerri iussit, 2. Machab. 12. Nam præterquam quod superstitionis est pro quibusunque mortuis orare, accedit etiam quod isti, pro quibus Iudas orari iussit, deceperant letali criminis obligati, pro qualibus non esse orandum etiam Catholici docent. sic autem eos decepsisse patet. Nam ut ibidem dicitur; Inuenta sunt sub vestibus mortuorum omnium quædam de donariis idolorum contra prohibitionem Domini, quæ habetur Deut. 7.

RESPONDEO, orare pro mortuis, quos non est certum esse in cœlo, vel in gehenna, pium & religiosum esse, vt ostendemus suo loco; nunc satis sit opponere Caluino Augustinum, qui ex hoc ipso loco probat pium esse orare pro mortuis, in epist. 61. ad Dulcitium, lib. 1. de morib. Ecclesiæ, cap. 23. & lib. de cura pro mortuis, cap. 1. Itaque tantum interest inter spiritum Augustini & Caluinii, vt Augustinus, quia libros Machabæorum credit esse canonicos, inde colligat bonum esse orare pro mortuis. Caluinus quod existimet, malum esse orare pro mortuis, inde deducat libros Machabæorum non esse canonicos. Ad illud autem quod obiicitur, respondeo, Iudam pie

piè existimasse, eos in articulo mortis dolorem de peccato suo coram Deo concepisse, & misericordiam apud Dominum inuenisse, quod significat illa verba: *Quia considerabat, quod hi qui cum pietate dormitionem acceperant, optimam habarent repositam gratiam.*

**S E C V N D O** obiicit Caluintus in antidoto Concilij, non posse huius libri auctorem haberi canonicum, cum lib. 2. cap. vlt. veniam petat erratorum. Adde quod cap. 2. ait: *Et nobis quidem ipsis, qui hoc opus breviandi causa suscepimus, non facilem laborem, immo verò negotium plenum sigillarum, & iudoris assumptionis.* Quibus verbis indicat se humano more hunc librum composuisse. Auctores enim verè sacri non ingenio, & labore suo, sed Spiritu sancto reuelante, scripserunt, vt patet Hierem. 36. de Hieremia, qui tanta facilitate dictabat notario suo Baruch, ea quæ Deus ei reuelabat, ut ex libro aliquo legere videretur.

**R E S P O N D E O**, Deum quidem esse auctorem omnium diuinarum Scripturarum, sed aliter tamen adesse solitum Prophetis, aliter aliis, præsertim historicis. Nam Prophetis reuelabat futura, & simul assistebat, ne aliquid falsi admiserent in scribendo, & ideo Prophetæ non alium habuerunt laborem, quam scribendi, vel dictandi: aliis autem scriptoribus Deus non semper reuelabat ea, quæ scripturi erant, sed excitabat, ut scriberent ea, quæ viderant, vel audierant, quorum recordabantur, & simul assistebat, ne falsi aliquid scriberent: quæ assistentia non faciebat, ne laborarent in cogitando, & quærendo quid & quomodo scripturi essent. Quare S. Lucas præfatione in Euangeliū à se scriptum, testatur se assequatum omnia diligenter, quæ ad Euangeliū scriptiōnem pertinebant, idque ab iis, qui ipsi audierant, & viderant, & ministri fuerant sermonis. *Quod autem ad veniam attinet, non petit veniam iste auctor erratorum, quiqpe qui nulla esse sciebat; sed orationis minus politæ; quemadmodum etiam B. Paulus se imperitum sermone confitetur 2. Cor. ii.*

Obiectio **T E R T I A** aliorum, 2. Machab. 1. dicitur: *Cum in Persidem captiui ducentur Patres nostri: at certum est non in Persidem, sed in Babylonem abductos fuisse Iudeos; non igitur veram historiam narrat auctor huius libri. Nonnulli valde laborant, ut ostendant quando in Persidem ducti fuerint*

rint Iudæi, sed existimo rem esse facillimam. Nam auctor huius libri Persidem vocat non solum eam regionem, quæ propriè dicitur Persis, sed etiam alias finitimas; id patet ex lib. I. Machab. cap. 6. vbi nuncius, qui venit in Babylonem ad Antiochum, dicitur venisse ad eum in Persidein. Neque iste loquendi modus ab aliis scriptoribus alienus est, cum Chrysostomus hom. 6. in Matth. dicat Iudæos ex captiuitate Persica liberatos.

Obiectio Q V A R T A, 2. Machab. 2. dicitur Hieremias, cum spoliaretur & incenderetur Hierusalem, & templum à Chaldaëis, abscondisse tabernaculum, & arcam foederis in spelunca quadam montis Nebo; & dixisse, locum illum fore occultum, donec Deus iterum congregaret populum suum. At hic duo mendacia continentur. Vnum quod Hieremias illud fecerit; nam antequam vrbs à Chaldaëis caperetur, Hieremias semper fuit in carcere, & erat inuisus penè omnibus in Hierusalem, vt habetur Hierem. 37. & 38. quo circa nec per se, nec per alios potuit id efficere: postquam autem capta est vrbs, Chaldaëi omnia diripuerunt, vt habetur 4. Reg. vlt. proinde non remansit aliquid, quod Hieremias posset abscondere. Alterum mendacium est, quod iterum reuertentes à captiuitate efflent arcam & tabernaculum habituri; non enim unquam eam postea habuerunt.

R E S P O N D E O, potuisse illud optimè fieri, & ante spoliationem vrbis, & templi (vt Epiphanius sentit in vita Hieremias) & etiam postea, vt alij volunt. Ante quidem; non tempore Sedechiæ, sed Ioachim. Ter enim Nabuchodonosor venit in Iudæam, & abduxit inde captiuum regem & populum: Primùm, tempore Ioachim, vt habetur 2. Paral. vlt. Secundò, tempore Ioachim, vt habetur 4. Reg. 24. Tertiò, tempore Sedechiæ 4. Reg. 25. Tametsi autem tempore Sedechiæ Hieremias fuerit ferè semper in carcere, & omnibus inuisus: tamen tempore Ioachim liber erat, & magnè auctoritatis, ita vt credibile sit, ad eius persuasionem Ioachim sponte se tradidisse Regi Babylonis. Constat enim Hieremiam hoc suafisse, Hierem. 27. & simul constat Ioachim id fecisse, Hier. 29. potuit igitur Regis consentiente arcam, & tabernaculum asportare. potuit etiam posteaquam ciuitas capta est: nam Hieremias à Nabuchodonosor maximi fiebat, vt patet Hierem. 39. Non fuisset autem

autem à militibus diripientibus urbem Hierosolymam, ablatam arcam aut tabernaculum, satis patet ex Hierem. 52. vbi enumerantur omnia, quæ ex templo Domini Chaldæi abstulerunt, usque ad phialas & mortariola; & arcæ ac tabernaculi nulla mentio fit. Neque vero alterum est mendacium, quod rursus arca inuenienda esset, quando iterum congregaretur populus. Nam non loquebatur Hieremias de illa congregazione, quæ fuit tempore Cyri; sed vel de tempore nouissimo, quod proximè diem iudicij præcedet, ut vult Epiphanius in vita Hieremiæ; vel mysticè intelligendum est, arcam apparitaram, id est, Christum in carne venturum in noua populi congregacione, ut exponit Rupertus lib. 10. de Victoria verbi, cap. 21.

Obiectio QUINTA. Lib. I. Machab. cap. I. Alexander Magnus primus regnasse dicitur in Græcia, & hoc falsum videtur, cum non fuerit Alexander primus, sed ante illum multi fuerint Reges Lacedæmoniorum, Macedonum, Corinthiorum, Atheniensium, &c. ut ex Chronico Eusebij patet. PRAETEREA ibidem dicitur Antiochus illustris regnasse anno CXXXVII. regni Græcorum: cum tamen constet ex eodem Eusebio Antiochum regnasse anno CLVI. tot enim sunt anni a primo anno Monarchiæ Græcorum usq; ad Antiochum. DENIQUE lib. I. cap. 8. dicuntur Romani singulis annis committere unum homini magistratum suum, & omnes unum obediere: at hoc est falsum, nam duo consules eo tempore creabantur.

RESPONDEO, Scripturam, cum dicit Alexandrum pri-  
mum regnasse in Græcia, non de regno quoconque, sed de  
Monarchia Græcorum loqui; & cum dicit Antiochum illu-  
strem regnasse anno CXXXVII. regni Græcorum, non nu-  
merare annos ab Alexandro, sed a Seleuco, qui post Alexan-  
drum primus regnauit in Syria, ut monet Eusebius in Chro-  
nico. quia enim Iudæa pars est Syriæ, a primo Rege Syriæ an-  
nos numerabant Iudæi, a Seleuco autem ad Antiochum sunt  
anni CXXXVII. quibus si addas annos XIX. qui sunt ab  
Alexandro ad Seleucum, erunt anni CLVI. Ad illud autem  
de Romanis respondeo, unius tantum consulis mentionem  
fieri, quia in more apud Romanos positum erat, ut alternis  
diebus consules imperarent. Cuius rei testis esse potest infelix

exitus pugnæ Cannensis, cuius causa temeritas fuit alterius consulis, penes quem eo die imperium erat. Itaque licet duo consules essent, vni tamen commissa esse Respublica videbatur. Idque institutum est ab ipso primo exortu consularis dignitatis, ne videlicet (vt ait Liuius lib. 2.) si duo simul consules imperarent, Regibus exactis, non remotus sed duplicatus terror videretur.

Obiectio S E X T A . Lib. i. Machab. cap. 4. Iudas legitur purgasse templum anno CXLVIII. id est, uno anno ante obitum Antiochi, qui obiit anno C X L I X. ut dicitur i. Machab. 6. At id repugnat lib. 2. cap. 10. vbi habetur Iudam purgasse templo biennio post mortem Antiochi. Præterea lib. i. cap. 6. dicitur, Antiochus illustris mortuus in Babylonia in lecto suo, præ dolore animi, quia non successerant ei negotia sicut optauerat: at lib. 2. cap. 1. dicitur membratim cælus cum multis ex suis in templo Nanneæ; & rursus lib. 2. cap. 9. dicitur mortuus tum dolore interno viscerum, tum quia de curru in itinere ceciderat. Denique lib. i. cap. 9. dicitur Iudas mortuus anno C L I I I. at lib. 2. cap. 1. dicitur scripsisse epistolam anno C L X X X V I I. quod si esset verum, anno XXXVI. post mortem suam eam scripsisset. Hæc omnia cùm tam malè interfcohærent, manifesta indicia falsitatis præbent.

Ad P R I M A M argumenti huius partem Sixtus Senensis respondet, scribit in lib. 8. Bibliothecæ sanctæ, bis factam esse templi repurgationem: sed neque id verum esse videtur, neque ad argumenti solutionem necessarium. Et quidem verum non esse satis indicat Scriptura, cùm omnia quæ de hac repurgatione uno in loco refert, referat etiam in alio. Non esse autem necessarium, inde probatur, quia posita una tantum repurgatione in utroque loco, adhuc nulla est in hoc libro repugnantia. Tametsi enim repurgatio templi in lib. i. cap. 4 narratur ante mortem Antiochi, & lib. 2. cap. 10. narratur post mortem Antiochi; tamen hoc posteriore loco narratur quidem post mortem Antiochi: sed non asseritur facta post mortem Antiochi. Voluit enim auctor absoluere quæ de Antiocho dicturus erat, & tum demum redire ad Iudam & templi repurgationem; quod autem dicitur facta post biennium, non significatur, post biennium à morte Antiochi: sed post biennium à prophanatione. Nam prophanatum fuit tem-

plum

plum anno CXLV. ut dicitur lib. 1. cap. 1. & post biennium exactum anno CXLVIII. repurgatum fuit, ut habetur lib. 1. cap. 4. Quare recte Eusebius in Chronico, & Iosephus lib. 12. antiquit. cap. 10. scribunt templum repurgatum tertio anno à prophanatione, id est, post biennium iam exactum.

Quod attinet ad ALTERAM partem argumenti, conueniunt ferè omnes, eundem esse Antiochum, Epiphanem videlicet, cuius mors describitur lib. 1. cap. 6. & lib. 2. cap. 9. nam potuit in itinere corripi doloribus viscerum, & cadere ex curru, ut dicitur lib. 2. cap. 9. & postea sic eger peruenire in Babylonem, & ibi addito dolore animi ex nuncio ad se allato rei male geste in Iudæa à suis, tandem mori. At de Antiocho, cuius mors describitur lib. 2. cap. 1. maxima quæstio est. Aliqui volunt esse Antiochum magnum, ut Lyranus in hunc locum, & quidam alij. sed hoc esse non potest. Nam Antiochus magnus obiit antequam Iudas, qui hanc epistolam scripsit, dux Iudæorum esset, nec fuit ullum bellum Iudæis cum Antiocho magno. Alij volunt esse Antiochum Demetrij filium, qui etiam Tryphon, seu Grifus dicitur ab Eusebio. Ita Rupertus lib. 10. de victoria verbi, cap. 6. sed neq; hoc potest esse verum. Nam tempore istius Antiochi non Iudas, sed Ioannes Hirca-nus dux Iudæorum erat: & tamen Iudas epistolam scribit. Præterea epistola scribitur Aristobulo magistro Ptolomæi Philometoris, quem constat ex Eusebio in Chronico fuisse tempore Iudæ, id est, diu ante tempora Antiochi Grifhi.

Dicendum igitur est, hunc Antiochum esse Antiochum Epiphanem illum ipsum, de quo agitur in lib. 1. cap. 6. & lib. 2. cap. 9. nam tunc viuebat Iudas, qui epistolam scripsit: & etiam Aristobulus ad quem scripta est. Præterea iste fuit primus & summus ex Regibus Syriæ inimicus Iudæorum, ut meritò eius morte tanta lætitia esset in Iudæa.

Deniq; quod dicitur lib. 2. ca. 9. de Antiocho Illustri, quod templum in Perside spoliare voluit, & turpiter fugatus est; omnino conuenit cum eo, quod hic dicitur de isto Antiocho, quod in templo Nanneæ ceciderit, & percussus fuerit, & quod multi eius milites membratim cæsi fuerint. Neque vero necesse est affirmare, illic eum interisse, ubi dicitur, cecidisse: cecidisse enim dici potest, quoniam exercitus eius fuisse fugatusque est. Quemadmodum Genes. 14. Regem Sodo-

morum in prælio cecidisse narrat Scriptura diuina, & tamen paulò pòst eum viuentem, & Abrahæ occurrentem introducit. Itaque Antiochus in eo sensu dicitur cecidisse, quoniam exercitus eius cæsus percussusque fuerat, & ipse turpi fuga lapsus, fortè etiam vulneratus, in ipso itinere de curru cedit, & paulò pòst mortuus est.

Ad TERTIAM probationem aliqui respondent, non esse Iudam Machabæum, sed aliquem alium, qui eam epistolam scripsit. Ita Rupertus lib. 10. de victoria verbi, cap. 15. sed non videtur id esse verum. Nam anno CLXXXVIII. non Iudas, sed Ioannes Hircanus dux Iudæorum erat: nec nullus fuit ex ducibus Iudæorum, qui vocaretur Iudas, præter unum Machabæum: nec est verisimile, cum senatu, & populo in titulo literarum alium nominari, quam principé. Alij volunt hunc Iudam esse quidem Machabæum; sed annos, qui initio literarum ponuntur, supputari non more Græcorum à Seleuco, sed more Hebræorum ab anno duodecimo Assueri, quo liberati fuerunt omnes Iudæi à nece opera Esther reginæ. Ita Lyranus & Hugo Cardinalis in hunc locum, quos ferè recentiores omnes sequuntur. Sed primum non videtur credibile, in his libris semper annos supputari more Græcorum, præterquam in hoc uno loco; deinde etiam numerando ab anno duodecimo Assueri, non potest incidere annus 188. in tempora Iudæ Machabæi. Lyranus enim, quæ ceteri sequuntur, ita computat; ab anno XII. Assueri usque ad finem regni eius sunt anni XXIX. his addantur sex anni, quibus regnauit Darius filius Assueri, & sunt XXXV. quibus si rursum addantur CXLVIII. qui sunt ab initio regni Græcorum usque ad Iudam, erunt CLXXXVIII. anni.

Sed in ista supputatione tres sunt grauissimi errores. Primus, quod ex 29. & 6. & 148. non sunt 188. sed 183. vt patet. Secundus, quod omittunt hi auctores annos nouemdecim, qui sunt à principio Monarchiæ Alexandri usque ad regnum Seleuci: illi enim CXLVIII. anni Græcorum, qui numerantur lib. 1. Machab. cap. 4. usque ad victoriam Iudæ, numerantur à Seleuco, non ab Alexandro, vt supra diximus. Si ergo addas annos nouemdecim qui sunt ab Alexandro ad Seleucum, erunt omnes anni CCII. ab anno duodecimo Assueri non CLXXXVIII. vt ipsi volunt. Tertius error est, quod in ista suppu-

Supputatione faciunt Assuerum penultimum Regem Persarum, sequuti somnia Iudæorum aduersus sententiam Latinorum & Græcorum omnium. Eusebius in Chronico post Assuerum adhuc tres Reges Persarum ponit: Iosephus, quem ego supra sequutus sum, septem Reges post Assuerum numerat: ex quo sequitur, ab anno duodecimo Assueri usque ad Iudam non CLXXXVIII annos, sed longè amplius quam ducentos effluxisse.

Igitur cum Melchiore Cano, & aliis nonnullis existimo, sic esse quæstionem dissoluendam, ut dicamus illa verba, Anno CLXXXVIII. non esse principium epistolæ sequentis, quam Iudas scripsit, sed finem præcedentis, quæ scripta est à toto populo Iudæorum duce Ioanne Hircano. Id apertè indicant Græci codices, qui post illa verba, anno CLXXXVIII. distinctionem constituunt. & ratio certè id exigit, ut cùm sint illa verba inter initium vnius epistolæ, & finem alterius, & numerus annorum in fine potius, quam in principio poni soleat, ea nos ad epistolam præcedentem non ad sequentem referamus.

Obiectio SEPTIMA sumitur ex eo, quod liber prior Machabæorum cum Euangelio pugnare videatur. Nam lib. I. cap. I. affirmat auctor eius libri vaticinium Danielis de abominatione desolationis stante in loco sancto, impletum esse quando Antiochus Epiphanes idolum in templo Domini collocauit. At Christus Matth. 24. vaticinum illud afferit implendum in nouissimis diebus. RESPONDEO, in libris Machabæorum nullam fieri mentionem vaticinij Danielis, sed solum idolum Antiochi vocari abominandum idolum desolationis, ut reuera erat.

Objectionem POSTREMAM, quam afferunt nonnulli, ex eo quod in his libris videntur iij commendari, qui semet occiderunt, qualis fuit Eleazarus lib. I. cap. 6. & Razias lib. 2. c. 14. diluit iam dudum S. Augustinus in epist. 61. ad Dulcitium, & lib. 2. contra epist. Gaudentij, cap. 23. & summa responsionis est, mortes horum hominum narrari in Scriptura, non laudari, vel certè non ita laudari quasi piè & sanctè fecerint, quod fecerunt, quamvis audacter, & viriliter, & hominum iudicio fortiter eos fecisse negari non possit.